

c. 793 principi apostolorum data: 'Tu es Petrus, et super hanc petram aedificabo ecclesiam
 Matth. 16, 18. meam, et cetera usque: caelorum'? Numquid haec potestas ab eo ablata est, et tibi
 tradita, quatenus super te in fine seculi et in angulo mundi nova aedificetur ecclesia,
 et apostolicis inconueniens traditionibus? Caveas diligenter, frater venerande, ne haec
 aedificatio tua super harenam fiat, et sit labor tuus in domo aliena: Surge fili, surge 5
 et revertere ad patrem tuum, et in gremium sanctae matris ecclesiae. Pia est mater;
 te ipsum recollige, ovesque tuas tecum in ovile Christi, quod ipse ob trinam confessionis
 Ps. 40, 9. gloriam beato Petro principi apostolorum pascendas commendavit, congrega. 'Numquid
 qui dormit, non adiciet, ut resurgat'? Noli erubescere converti, noli dispicere animas,
 frater! omnium^a filiorum, quos genuisti. Tota evangelica clamat auctoritas, omnia 10
 apostolorum protestantur dicta, mundi latitudo credit, Romana praedicat ecclesia
 Christum Iesum verum esse Dei filium et proprium. Quid vultis ei nomen adoptivi
 inponere? Quid est adoptivus filius, nisi falsus filius? Et si Christus Iesus falsus
 est Deo patri filius, et (quod impium est dicere) falsus est et deus, falsa est et tota
 nostrae salutis dispensatio; quia, si adoptivus est filius in humanitate, adoptivus et 15
 deus homo ille, qui natus est ex virgine. Et quid est, quod psalmista canit: 'Veritas
 Ps. 84, 12. de terra orta est'? Quid est, qui ad dexteram Dei sedet, et venturus est in gloria
 iudicare vivos et mortuos? O¹! quantis sanctorum patrum exemplis hanc fidem probare
 potui^b, quod Christus Iesus verus est Deo patri^c filius, et mox a conceptione virginalis
 uteri verus conceptus est Deus, verus et natus Deus. Sed mihi propositum fuit 20
 deprecatorias, caritate cogente, pro salute tua tuorumque tuae sanctitati dirigere
 litterulas.

Plurima in scriptis tuis iusta et vera inveniuntur. Cave, ne in hoc solo^d adop-
 tionis nomine a sensibus sanctorum patrum dissentias, noli tui sensus cum paucis esse
 amator, sed cum plurimis veritatis adsertor². Me enim habebis in Christi caritate 25
 tuae salutis fidelem, quantum valeo, cooperatorem; et si tecum loquerer, non dispicerem
 tecum discere quae vera sunt, et fidei catholice consentanea. Nolim te perdere laborem
 relegiosae vitae, quem pro Christi nomine ab ineunte aetate sustinuisti, ne dicatur
 Cf. Gal. 3, 4. tibi: 'Tanta patiebaris sine causa'. Veni, frater, veni, Christus te vocat, ecclesia te
 desiderat; omnes sancti te civem concupiscunt. 30

Etsi mihi non esset in mente exemplis tecum agere, sed precibus, tamen ex
 plurimis pauca proponam, ut si meae parvitatis litteris non flecteris, sanctorum patrum
 catholicis sensibus in viam deducaris veritatis.

Beatus Hilarius, doctor mirabilis, et omni ecclesiae Dei laudabilis in sexto libro
 operis pulcherrimi, quem de catholicae fidei professione edidit, post multa veritatis 35
 testimonia ita intulit³: 'Adsignetur sanae^e hoc communionis in Christo nomen, ut filius
 Matth. 3, 17. sit, si de quoquam dictum repperiatur: 'Hic est filius meus'. Sin vero proprium ac

^a) animas frōm S. ^b) possimus Alc. adv. Fel. ^c) Dei patris A. a. F. ^d) scō S. (i. e. seculo).
^e) corr. in sane S.

1) Alc. adv. Fel. l. III c. 17 (l. l. p. 819): Ponis itaque verba epistolae nostrae, ubi post con- 40
 venientem sermonis nostri exhortationem diximus: O quantis — natus Deus. 2) cf. infra p. 65;
 ep. 155; Adv. Felic. l. I c. 2 (ed. Froben. I, 790): Nonne haec omnibus hereticis causa fuit perditionis,
 quod suae magis voluerunt amatores esse sententiae, quam veritatis? 3) Hilarii De trinit. l. VI, 23,
 opp. ed. Oberthür I, 156. 157, cf. Alc. adv. haeresin Felicis c. 4 (Opp. ed. Frobenius I, 761): Dicit enim
 Hilarius, ecclesiasticae fidei doctor mirabilis, in libro sexto, quem de sancta Trinitate scripsit post 45
 alia catholicae fidei convenientia sic (sequitur idem locus, ut supra, sed copiosior); Adv. Felic. l. IV
 c. 11 (p. 827): Hilarius virtutum omnium atque ornamentorum et, sicut vita, ita et eloquentia insignis,
 in libro fidei secundo etc.; Adv. Elip. III c. 14 (p. 901): Hilarius . . non parvae in ecclesia Christi
 auctoritatis doctor Arianaeque perfidiae fortissimus debellator.